

Arkiv: <arkivID><jplD> FE-140, FA-U01
JournalpostID:
Sakshandsamar:
Dato: 02.02.2022

Saksframlegg

Saksnr.	Utval	Møtedato
006/22	Utval for næringsutvikling og drift	09.02.2022

Mandat for Strategisk næringsplan

Rådmannen sitt framlegg til vedtak:

Utval for næringsutvikling og drift vedtar mandat for strategisk næringsplan for Alver kommune.

Utval for næringsutvikling og drift 09.02.2022:

Handsaming:

Utvalsleiar Stian Lavik-KRF sette fram endringsframlegg:

Utval for næringsutvikling og drift støttar framlegg til mandat for arbeidet med strategisk næringsplan, med følgjande endringar:

Ordet "nyskaping" blir byta ut med "skalering" i punktlista over forslag til arbeidsgrupper, under kapittel 5.2 Interessentar.

ND- 006/22 Vedtak:

Utval for næringsutvikling og drift kjem med følgjande uttale:

Utval for næringsutvikling og drift støttar framlegg til mandat for arbeidet med strategisk næringsplan, med følgjande endringar:

Ordet "nyskaping" blir byta ut med "skalering" i punktlista over forslag til arbeidsgrupper, under kapittel 5.2 Interessent

Politisk handsaming

Saka skal avgjerast i utval for næringsutvikling og drift.

Kva saka gjeld:

Denne saka gjeld avklaring for prosess for utarbeiding av strategisk næringsplan for Alver kommune

Bakgrunn

Saksopplysningar

Arbeidet med den strategiske næringsplanen blir gjennomført i løpet 2022, med endeleg vedtak i september. Etter handsaming av vedlagt mandat, byrjar ein analysefase der arbeidsgrupper og referansegrupper vurderer kva som er dei viktigaste problemstillingane planen skal svare på. Deretter vil tiltak og handlingar bli presentert og handsama i Utval for næringsutvikling og drift, som legg planen ut på høyring i juni. Etter handsaming av merknadar som har kome inn i høyringsperioden skal planen til endeleg handsaming i september.

Alver kommune har eit næringsliv som er prega av industri med høg verdiskaping. Det er fleire

næringar som bidreg til dette, men den klart viktigaste er petroleumsnæringa Mongstad, som står for om lag halvparten av verdiskapinga i privat sektor i kommunen. Men petroleumsnæringa går no ei usikker framtid i møte. Auka merksemd om globale klimaendringar internasjonalt kan på sikt bremse etterspørselen etter norsk olje og gass.

Ved sidan av omsynet til klimaendringar er næringsutvikling og omstilling også viktig for samfunnsutviklinga i Alver kommune. For trass i sterk verdiskaping har arbeidsplassutviklinga i Alver vore svakare enn den nasjonale over fleire år. Eit næringsliv dominert av industri med svak arbeidsplassutvikling er årsaka til dette.

Desse utviklingstrekk var bakgrunnen for at kommunestyret, ved behandling av planstrategien, vedtok at ein strategisk næringsplan var blant oppgåvene som skulle prioriterast. Seinare er betydinga av omstilling og næringsutvikling blitt ytterlegare understreka i arbeidet med kommuneplanen sin samfunnsdel som no er på høyring.

I samfunnsdelen er det lagt inn ein framtidvisjon som mellom anna skal vere “attraktivt å arbeide og skape verdiar i Alver”, at “vi vil ha vekst i arbeidsplassar og verksemdar, og at “vi vil vere eit nasjonalt tyngdepunkt for vekst og utvikling innan grøn industri”.

Eitt av fem hovudmål i samfunnsdelen er at *“Alver har eit berekraftig næringsliv med Mongstad som landets fremste industriklynge”*.

Under dette hovudmålet er det gitt fem delmål:

- Verksemdene på Mongstad/ i Fensfjordbassenget er ei leiande nasjonal industriklynge for grøn industriutvikling
- Næringslivet i Alver utnyttar potensialet for verdiskaping i sjø og kystnære område
- Arealintensiv næring ligg langs hovudvegnettet
- Alver er eit attraktivt reisemål
- Næringslivet i Alver er mangfaldig og konkurransedyktig.

Under desse delmåla er det vidare gitt strategiformuleringar som skildrar korleis mål, og delmål skal nåast.

Vurdering

Alver kommune legg til grunn ei *funksjonsdeling* mellom planar på ulike nivå i planhierarkiet. Som vist over er visjon, målformuleringar og strategiar lagt til kommuneplanen sin samfunnsdel. Strategisk næringsplan skal ikkje sette eigne mål for næringsutviklinga i Alver, men følge opp mål- og strategiformuleringar i kommuneplanen sin samfunnsdel. Strategisk næringsplan skal ha ein handlingsplan som konkret følgjer opp mål og strategiar i samfunnsdelen.

Næringsutviklinga i Alver avheng av fleire tilhøve som er utanfor kommunen sin kontroll, og kommunen er berre ein av fleire aktørar involvert i tilrettelegginga for næringsutvikling i Alver. Strategisk næringsplan skal i hovudsak vere konsentrert om å presentere tiltak som kommunen rår over, og planen skal klargjere kommunen si rolle og oppgåver i arbeidet med næringsutvikling og tilrettelegging.

Temabaserte arbeidsgrupper skal tilrå tiltak som kommunen kan sette i verk for å legge til rette for ønska næringsutvikling.

Vedlegg i saken:

02.02.2022 Prosjektforslag_strategisk næringsplan_adm
styringsgruppe 01.02.22 (002)

1685351

